

քանադրէ և լուծիցէ ի կարգէն: Եւ անա՛ ոչինչ համարելով զայն ժողով և զայն թուղթն յորում ամենայն վարդապետքս կնքեցաք և Զ աթոռակալքն. և այժմ իրաւունք արարէ՛ք: Իրաւունք և դատաստան արարին. Որովհետեւ որ զմեզ ոչինչս համարելով եւ այսպէս գիր է առաքեր, և նա ևս մեզ պէտք չէ, և այսուհետեւ ոչ յիշեսցի անուն նորին ի պատարագն:

Շաբաթ օրս (19 Յուլիս) ոչ յիշեցին զկաթողիկոսն ի պատարագն, այլ զՍուրբ Լուսաւորիչն յիշատակեցին:

Եւ օրս զղագրիէսքէրքն (փոխեցին) և եղև Անատօլի՝ Պօլուլու Մուստաֆա էֆէնտին եւ Ուռումէլի՝ Շապան էֆէնտին:

Եւ երեկոյիս քարոզ ասաց Իգնատիոս վարդապետն դաս քաշելով զՄուղնեցին եւ զհամախոհքն, և Մարտիրոս վարդապետն՝ ի յԱստուածածին, և Կիրակոս վարդապետն՝ ի Պալատ, և Սաչատուր վարդապետն՝ ի Ղալաթ:

Եւ Կիրակի օրս (20 Յուլիս) կէս աւուրս վարդապետն ելեալ գնաց ի Պուրսա: Երեկոյիս ի Սուրբ Նիկողոս գնացաք եւ զհացն երեկոյիս եւ առաւօտուս ի Մալղօջենցն կերաք:

Բչի օրս (21 Յուլիս) գնացի ի Ժամ եւ անտի Շէրպէթճի Գրիգորն առեալ տարաւ զիս ի տուն եւ անդ նստեալ մինչև յետինք. և զտղան հանեալ ի քովէս կամաւ իմով եւ ետուն յուկերչութեան:

Գչի օրս (22 Յուլիս) սինսիլէ արարեալ կարդացողացն եւ զամենեսեան թագաւորն ի ներս ձայնեալ ետ զմանսուպն. ևս Ըստամպօլ էֆէնտիսին փոխեցին և եղին ի տեղի նորա (պարսպ):

Յաւուրս այսոսիկ դատաստանաւ, խրատիւ և բազում պատուիրով ետուն զփիլոն Տէր Անդրէասին Պալատու որ ձինէլէմ կոչիւր, և ապաշխարանք՝ մինչև ի մահ աւագիրիցութեան չի խառնվի և Գ տարի պա-